

AUGLÝSING

um staðfestingu á breyting á skipulagsskrá fyrir Suzukitónlistarskólann í Reykjavík nr. 389 19. maí 2000.

Skólanefnd Suzukitónlistarskólans í Reykjavík hefur samþykkt eftirfarandi breytingar á skipulagsskrá sjóðsins, sem staðfest var 19. maí 2000.

7. gr. orðist svo:

Skólanefnd er skipuð þremur mönnum til 1 árs í senn. Einn er tilnefndur af Reykjavíkurborg, einn af kennurum skv. tilnefningu kennarafundar, og einn af foreldraráði skólans. Sá kennari sem tekur sæti í skólanefnd skal hafa minnst 3ja ára starfsreynslu sem Suzukikennari og próf í a.m.k. 2 Suzukiréttindastigum. Það foreldri sem tekur sæti í skólanefnd skal, ef þess er nokkur kostur, hafa faglega þekkingu af rekstri stofnana eða fyrirtækja. Það foreldri sem situr í skólanefnd má ekki eiga barn í námi hjá þeim kennara sem einnig situr í skólanefnd. Sé skólanefnd ekki fullskipuð, af ástæðum sem ekki verður við ráðið skal skólastjóri fara með oddaatkvæði þar sem við á.

Skólastjóri skal sjá til þess að nefndin sé fullskipuð og starfhæf í síðasta lagi 1. október ár hvert.

Ofangreindar breytingar á skipulagsskrá fyrir Suzukitónlistarskólann í Reykjavík staðfestast hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 29. nóvember 2002.

F. h. r.

Drífa Pálsdóttir.

Bryndís Helgadóttir.

REGLUGERÐ

um ábyrgðargjald atvinnurekenda árið 2003.

1. gr.

Ábyrgðargjald atvinnurekenda vegna ábyrgðasjóðs launa vegna gjaldþrota skal árið 2002 vera 0,04% af gjaldstofni, sbr. 6. gr. laga um tryggingagjald, nr. 113/1990, með síðari breytingum.

2. gr.

Reglugerð þessi, sem er sett skv. 2. mgr. 3. gr. laga um ábyrgðasjóð launa vegna gjaldþrota, nr. 53/1993, öðlast þegar gildi.

Félagsmálaráðuneytinu, 9. desember 2002.

Páll Pétursson.

Gylfi Kristinsson.